

北洋官報

目錄

宮門抄
上諭
交旨

奏議◎直督奏改設巡警學堂暨教練所摺△禮部奏王公百官班見禮節摺△又奏禮學開館酌擬凡例摺△郵傳部奏鐵路收撥借用各款摺△又奏各路財政盈虧表片

公牘◎安州稟一件△臨榆縣詳一件

文告七則△電報五則△新聞六則

彙編◎續憲政編查館奏定統計表總例

本局第九十三期法政學報已出

宮門抄

閏二月初七日

法部 大理院 廂紅旗值日

李經羲得

賞會典謝

恩 朗貝勒

熙彥改爲署

任謝 恩

顧璣因伊子補主事謝 恩

克王續假十日 豐陞阿續假五日

召見軍機 熙彥

李經羲

譚學衡 濤貝勒等遞封奏三件

憲政編查館遞封奏一件

上諭

閏二月初七日內閣奉

上諭前雲南巡撫督辦雲南礦務大臣唐炯起家牧令於咸豐同治年間在四川貴州等省守城剿匪歷著戰功並經丁寶楨奏派創辦四川官運鹽務歲增鉅款洊擢雲南巡撫因事革職朝廷念其前勞派令督辦礦務復因病准其開去差使並賞還巡撫銜上年重逢鄉舉賞加太子少保銜茲聞溘逝軫惜殊深著加恩照巡撫例賜卹一切處分悉予開復應得卹典該衙門察例具奏欽此

交旨

閏二月初七日

軍機大臣欽奉

諭旨貝勒載濤等奏擬訂禁衛軍服色章記繪具圖式清單呈覽一摺又奏擬禁衛軍標旗及馬隊旗式呈覽一摺又奏擬訓練大臣徽章及射擊徽章式樣呈覽一摺又片奏製發官員夫役軍衣等語均著依議圖單併發

又片奏開用關防日期知道了欽此

諭旨憲政編查館奏議覆國籍條例開單呈覽一摺著依議欽此

諭旨步軍統領衙門奏請暫留升任總兵王文煥一摺著准其暫留該部知道欽此

奏議錄要

直隸總督楊奏改設巡警學堂暨各屬巡警教練所摺

奏為遵章改設巡警學堂暨各屬設立巡警教練所恭摺具陳仰祈 聖鑒事竊准民政部咨奏定巡警學堂章

程內開各省城須設高等巡警學堂一處各府廳州縣須設巡警教練所一處其各省已有設立巡警學堂者均照此次奏定章程辦理各等因當經轉行遵辦去後伏查巡警為內治之本而學堂尤為造就警材之本天津巡警學堂設於光緒二十八年名曰北洋高等巡警學堂無論本省客籍由堂招考文理通順之人入堂肄業原定學員額數一百名期以二年畢業兵學生額數一百六十名期以一年畢業省城巡警學堂設於光緒三十二年定章由本省各府廳州縣申送舉貢生監考選入堂分為高等普通兩班彼時以需材孔亟用速成教法高等學生一年畢業普通學生六個月畢業即以學資之高下派充各廳州縣教員巡官區長等差經前督臣袁世凱先後奏咨在案前年臣到任後查畢業學生派赴各州縣者暫可敷用即飭寬定學期俾資深造當於省城天津各學堂添設完全高等警察一班定期四年畢業所授各科學有為部章所有而本班所無者有與部章分配稍異而大致相同者此後應即遵照奏定章程將限期課程一律更定以資遵守查北洋巡警學堂學生由京城各部院暨江浙河南甘肅黑龍江吉林等省咨送人員居其多數前後共計錄取官學生七百六十六名已畢業者六百七十六名除在本省及赴各省當差並咨送回籍者不計外現畢業留堂生五十名未畢業者五十名亦飭令遵照部章改令加習伏思天津為通商口岸華洋錯居保護地方巡警尤為注重且此間所用警員警兵多係取材於學堂該堂設立已歷年所成效昭著與各省外府向未設立者情形不同應請仍舊辦理以廣造就其省外各廳州縣向設巡警傳習所即飭遵章改為教練所應習科學及畢業限期亦一律遵章辦理俾歸畫一茲據警務處司道具詳請 奏前來除飭將各學堂名冊咨部查照外理合恭摺具陳伏乞

皇上聖鑒敕部立案施行謹 奏宣統元年閏二月初一日奉

硃批該部知道欽此

禮部奏王公百官班見 監國攝政王禮節摺

奏爲請 旨事光緒三十四年十一月二十日內閣各部院等衙門會議奏准 監國攝政王在 文華殿班見

王公百官 王立受或答揖近支王公屬尊者別爲一班居前列所司官員先期開單請示屆時傳 諭免先退其

餘王公百官行三叩禮等語本年二月十九日經臣部奏請 欽定日期舉行班見典禮奉 旨著於閏二月

十一日欽此欽遵在案屆期應於質明時內務府官設 監國攝政王座於 文華殿納陛下正中王公百官俱由

文華門進近支王公屬尊者在丹陛上咸集其餘王公以下二品大臣以上在甬道上咸集三品以下文武各官

在 文華門外咸集禮部官二員在 文華門外祇候屆時引 監國攝政王至 文華殿檐下 監國攝政王升

座宗人府官將近支王公屬尊者開單請示如傳 諭免近支王公屬尊者先退序班官分引王公於丹陛上行一

跪三叩禮退次引一二品文武大臣及三品各官於丹陛及甬道上行一跪三叩禮退再次引四品以下各官於丹

陛及甬道上並 文華門下行一跪三叩禮退先退者俱由 文華殿左角門出禮畢仍由禮部官引 監國攝政

王由 文華門出乘輿執事官俱退所有酌擬王公百官班見 監國攝政王禮節緣由是否有當謹恭摺具陳伏

乞 皇上聖鑒謹 奏宣統元年閏二月初五日奉 旨依議欽此

禮部奏禮學開館酌擬凡例進呈摺

奏爲禮學開館酌擬凡例進 呈恭摺仰祈 聖鑒事竊臣等於光緒三十三年六月遵議奏設禮學館擬定章

程八條復請延聘纂修顧問各官徵各省禮書並將籌辦大概情形先後奏明各在案現奉光緒三十四年九月二

十九日 諭旨責成臣部修明禮教移易風俗又奉十二月二十七日 諭旨憲政館奏定分年應行籌備

各事並著內外各衙門按限妥籌次第舉辦等因欽此臣等公同研究竊以爲今日修明禮教移易風俗應分修書

行政爲兩事修訂之初必斟酌古今體裁完善釐然當於人心而後可期通行至於行政必與地方官暨諮議局員

及凡有教育之責者相爲表裏切實董勸然後可蒸爲風俗固非空言修明遂可收移易之大效也伏稽我 朝化

民成俗因時制宜其宏綱鉅目布在方策者如 欽定大清通禮而外又有 欽定皇朝三通會典則例

刑部律例皆經緯通貫燦然大備今欲修明禮教非薈萃各書並與新設之憲政法律各館互相訂證不足以畢修

書之事也自議行憲政改定官制設立民政部學部衙門以整齊民物振興教育又飭臣部開設禮學館以成政教

維一之治規模宏遠今欲移風易俗非與內外各衙門聯絡一氣交相考察不足以畢行政之事也臣等職掌所關於禮教責無旁貸其宗旨應以正人心爲入手辦法曾子言慎終追遠民德歸厚孟子言人人親其親長其長而天下平實修明禮教之第一要義無論修書行政皆應以此爲的樹之風聲臣等數月以來與在館纂修諸員共相商榷計應行參訂者不下數十百條謹撮舉大略酌擬凡例十九條恭呈 御覽其辯論疑難文義繁縟有宜隨時奏明不便臆列者應俟全書告成後再行增補訂正以昭詳慎目前設施次第惟有先將修書一項迅速藏事庶便九年期內得以從容行政現擇於本年閏二月十七日開館所有前奏章程內應派提調提點館事查道光朝續修通禮並未設館所有提調各職事均由禮部官員兼充今禮學館附設臣部署側擬請 旨即派左丞宗室英繇右丞劉果左叅議良揆右叅議曹廣權兼充提調以專責成又前次奏准館中常年經費每年三萬兩現值開館伊始並請 飭下度支部照數給發以應要需除將所擬凡例另單繕 呈外謹恭摺具陳伏乞

皇上聖鑒又本年二月十二日奉 諭旨內閣侍讀學士甘大璋奏憲政禮學法律三館亟宜貫通一摺著禮部法部會同集議後咨商憲政編查館再行覆核等因欽此臣等應即欽遵辦理合併陳明謹 奏宣統元年閏二月初四日奉 旨已錄

重修通禮凡例 一修明禮教前經臣部奏定以 欽定大清通禮爲主其有因革損益謹仿 廟之禮而略於 朝通典通志通考之例於篇末概加後案冀合漢書疏通證明之義 一通禮詳載 朝 士庶又著例不載圖說原以會典及 欽定皇朝三通等書相輔而行故體裁簡要今奉上年九月二十九日 明諭責成臣部修明禮教移易風俗則修書宗旨自應恪遵 欽定各書特於民禮加詳謹仿照江永

禮書綱目體例於吉凶軍賓嘉五禮外增入曲禮一門遵照會典則例並新修法律憲法將屬於民事之軌物法度詳細會編斟酌釐訂其敝俗相沿有亟宜裁革者並纂輯各家正俗之說附後並載明禮器圖喪服圖等期便民間誦習踐行以移風俗而明禮教 一通典載石渠禮議於聞人通漢戴聖諸臣禮論每有宣帝制曰以示折衷史所謂宣帝稱制臨決也今遇疑義有非臣下所能擅擬者皆具奏請 旨恭候 宸斷以昭 天子議禮之盛

一宋嘉祐中歐陽修纂集太常因革禮以開寶通禮爲主凡通禮所有而不復舉者謂之廢禮通禮所無謂之新禮今科舉既經停止如吉禮之賓興釋褐嘉禮之鄉會試燕諸禮已不復舉而外務部奏定之賓禮陸軍部奏定之軍禮學部奏定之學禮又皆因時制宜爲通禮所無擬仿太常因革禮體例增設廢禮新禮篇目各自爲卷附在通禮之後 一道光禮有一時疏誤亟當改正者即以吉禮言之旱潦祈報徹饌之時乾隆禮皆有樂章道光禮改之

報有樂而祈無樂然刪徹饌之樂章並刪徹饌之禮節則刪除之未當也又如祀先醫篇乾隆禮在祀真武篇後故

於設樂條下註云器數見祀真武篇道光禮既升先醫於真武前此註尚仍不改則註釋之未當也似此之類悉詳加校正 一道光禮有依據古制而與今不合者如今人居室之祠堂不必有東西階士大夫不盡有廟雖有廟多與宗族共之行禮皆於寢不於廟他如廟見之名加景之用凡引據未確者皆爲更正 一原書內執事官屬自光緒三十二年奉 旨釐定官制所有業經裁撤歸併各衙門自當改書見在官名而於其下附註原作某官以備稽考其吉禮 皇帝臨雍釋奠之陪祭官嘉禮 臨雍講書之進講官舊爲祭酒司業今當臨時請 旨改派暫以陪祭官進講官稱之仍附註原作祭酒司業於其下猶鄭註周禮必引故書某爲某之例 (未完)

郵傳部奏彙陳鐵路收撥借用各款大略情形摺

奏爲彙陳臣部自光緒三十二年九月起至光緒三十四年年底止鐵路項下經收撥用各款大略恭摺仰祈聖鑒事竊臣部自光緒三十二年九月奉 旨設立先後接管關內外京張京漢正太汴洛道清滬甯甯廣九萍

昭九路事宜此九路中除京張萍昭係完全自辦外餘均借用外款自接管後各路工程漸拓需款日多臣部詳細通籌各路既已興工自無中止之理然若照原訂合同續借外款負債既重債息彌多不得已於部有之款及中國營業中竭力圖維設法挪轉或移緩而就急或挹彼而注茲以爲目前補苴之計加以收贖京漢需款尤多前經迭次將待用情形及擬撥借各款奏明請 旨辦理各在案計自開部日起至光緒三十四年十二月三十日止

撥用各款共英金三百七十六萬鎊又銀二千九百六十四萬六千一百餘兩除將所收京奉京漢兩路餘利及暫存生息兩項銀一千一百七十萬零五千餘兩抵付外不敷尚鉅經分別奏准借度支部暨大清銀行匯豐匯理各銀行款項并隨時由交通銀行暫行挪借以濟急需計截至光緒三十四年年底止統收借款英金三百七十六萬鎊又銀一千八百二十五萬零除撥付上項不敷各款外尚存銀三十萬零八千九百餘兩經於宣統元年正月分陸續撥用容俟另行奏報此臣部鐵路項下經收撥用及籌借各款之情形也查收撥一切臣部祇綜其大綱至於支銷各款詳載各借款公司及各路局細冊應俟造報到日再行核明遵照度支部奏定清理財政章程分別辦理所有臣部收撥借用各款大略情形理合開具清單恭呈 御覽伏乞 皇上聖鑒訓示謹 奏宣統元年二月十八日奉 旨已錄 (清單另錄)

郵傳部奏進呈各路財政盈虧表片

再臣部自開辦以來於各路財政盈虧時加考核大抵情形互有不同羸絀卽因之各異現除京張廣九汴洛三路尙未完工暫無盈虧可計外其全綫已通車之路京漢京奉則貨源素旺利率尙優惟京奉一路有南滿洲鐵路與

之爭衡京漢之路恃正太汴洛道清各路爲之繫注亟應迅籌的款從事擴充此外萍昭爲運煤之路無須付息出入相抵尙有盈虧餘惟正太滬甯兩路則原估工程之費已屬不敷因不願再借洋債由臣部籌給道清一路情形亦頗相同工程車輛等款爲數已多去年全路甫通進款仍不敷付息按照合同均應由臣部籌給道清一路情形亦頗相同推原其故滬甯道清皆與水道並行客貨因分而少而沿途督捐重疊致阻運輸又爲各路之通病且正太道清全恃轉運礦產因附近新開各礦出產尙不甚豐致運費亦形減色此各路盈虧之大概情形也臣部職任所關自當隨時籌畫并飭各該路總辦總工程司等設法招徠認真撙節以期補救茲謹將光緒三十年分各路財政盈虧大概列表恭呈 御覽伏乞 聖鑒謹 奏宣統元年二月十八日奉 旨已錄 (表另錄)

公牘錄要

安州劉牧寶泰稟

督憲依限籌定投票區投票所開票所地址文附告示

敬稟者竊查選舉章程初選舉投票區應於選舉期三個月以前由初選監督繪圖申報複選監督並頒發選舉告示又籌辦期限單開各廳州縣於二月內呈報投票區及投票所開票所地址等因亟應遵限辦理伏思卑州前次調查選舉資格即係酌定地勢形便分段舉辦其投票區域業已稟明擬按前定段數分爲五投票區惟卑州境內本無甚大集鎮非村莊過陋難爲聚集之場即地勢不宜有碍交通之便以致安設投票所之地址一時頗費躊躇迭經卑職詳細妥籌現始布置就緒擬即以安州城關等五十三村爲第一投票區其投票所設於安州城內安州板橋等二十村爲第二投票區其投票所設於板橋村安州同口村等三十村爲第三投票區其投票所設於同口村安州鄉新安城關等四十一村爲第四投票區其投票所設於新安城內安州鄉端村鎮等二十二村爲第五投票區其投票所設於端村鎮凡屬於本區以內各村莊之選舉人均赴本區投票所投票不得混入他區其所舉之人則不必拘定其爲本區內之選舉人凡係五區以內之選舉人俱可隨意票舉至開票所設於安州城內屆時再令各區將各投票票送集州城一處督同開票此卑州依限籌定投票區投票所開票所之情形也除詳細繪圖送府核定並將初選舉告示分條曉諭發貼城鄉各處俾衆周知外理合另開清摺呈送 大帥查核實爲公便附呈初選舉告示 爲出示曉諭事案查前奉 憲檄飭辦初選舉事務業將選舉理由及奉發章程分別明白宣示並派調查員查得安州及安州鄉選舉人數共有一千二十二名詳細造冊具報查各該選舉人即係有選舉權之人亦即爲初選投票人亦即爲初選被舉得票滿額之當選人並爲複選選舉議員之投票人且爲複選被舉爲諮議局之議員均當自知選舉權之可寶貴與被選舉之足鄭重其於選舉事宜應如何格外注意至安州安州鄉

本爲一初選舉區將來安州及安州鄉選舉人自應不分畛域秉公互舉本州現將全境初選區域分爲五個投票區凡屬於某區以內各村莊之選舉人應按初選日期前赴本區投票所投票不得混入他區其所舉之人則不必拘定其爲本區內之選舉人凡係五區以內之選舉人皆可隨意票舉現距初選舉期爲時尙遠合將應先曉諭各項分條列後 一初選日期照章於本年五月初一日行初選舉 二初選投票區投票所開票所地址分列如左

安州城關石塚村七級村九級村後午門前午門胡王莊董家莊辛立莊八立莊馮家莊劉家莊王家莊燒盆莊馬家莊姬家莊前亭子後亭子坨上村席家莊閉大口張家莊李家村賀家村膳馬廟李家莊建昌村白家莊何家莊楊家莊孟家莊馬家莊張家莊陳家莊王家莊增家莊東馬莊西馬莊大北頭寨裏村小營村田家莊小寨村大寨村獨連村南祭頭北祭頭東向陽西向陽西壘頭東壘頭楊家莊邊村等五十三村爲第一投票區其投票所設於安州城內本區以內之選舉人應於五月初一日親赴州城投票所投票 安州板橋村南南板村北南板村隄陽莊西河村西河屯東河村北邊村牛角村林家村林家南李良甫莊東滂淀西滂淀前屯村後屯村等三十村爲第二投票區其投票所設於板橋村本區以內之選舉人應於五月初一日親赴板橋村投票所投票 安州同口村韓村南曲堤北曲堤韓堡村北馮村南馮村郝關村北馬村南馬村王岳村磁白村北蒲口蔡家口刑果莊趙口村保駕佐南蒲口辛莊柳灘村北青村中青村南青村北陶口恒道村趙家莊西河村吳家莊西陶口陶口店等三十村爲第三投票區其投票所設於同口村本區以內之選舉人應於五月初一日親赴同口村投票所投票 安州新安城關劉馬莊漾堤口宋家莊田家莊張家莊郭里口王家寨下劉莊下張莊下趙莊古莊頭下李莊馬蹄灣三台鎮山西村申明亭獅子村店上村張村濼城村崔空堤高空堤王空堤朱空堤留村南六里張六里中六里北六里小王營向村北張莊于家莊尹家莊南河村大王村小王村西陽村小陽村大陽村等四十一村爲第四投票區其投票所設於新安城內本區以內之選舉人應於五月初一日親赴新安城內投票所投票 安州端村鎮大趙莊小趙莊劉莊馬家寨馬村馬堡村淀頭村小淀頭泥李莊寨南村北田莊大田莊東田莊東李莊西李莊邸家莊大馬莊小馬莊劉家莊楊家莊辛家莊等二十二村爲第五投票區其投票所設於端村本區以內之選舉人應

於五月初一日親赴端村投票所投票 開票所設於安州城內照章於五月初六日開票屆時各投票區選舉投票人均可來城參觀 三投票方法 按照選舉章程摘錄如左 第四十一條 投票人以列名本屬投票所之投票簿者為限 第四十二條 投票人屆選舉期應親赴投票所自行投票不得倩人代理 第四十三條 投票人應在投票簿所載本人姓名項下籤字畢方准領投票紙 第四十四條 投票人每名祇准領投票紙一頁 第四十五條 投票用無名單記法每票祇准書被選舉人一名不得自書本人姓名 第四十六條 投票人於投票所內除關於投票事宜得與職員問答外不得涉及私言並不得與他人接談 第四十七條 投票完畢後投票人應即退出不得逗遛窺視 第四十八條 投票人倘有頂替及違背定章等事管理員及監察員得令退出 為此示仰屬屬選舉人暨一切軍民人等知悉務各遵照特示

臨榆縣馬令慶麟詳明遵章整頓巡警餉項文並批

為詳明事案查前蒙全省警務處頒發州縣警察會議章程並發餉規則嚴飭整頓巡警不准兵額虛懸悞公廢事令即遵照辦理等因遵查卑縣巡警創辦之初原設一總局一分局六區二十小分局巡警官兵二百九十九員名雖已粗具規模惟各局兵餉均由各小分局自籌自發餉項盡操村正副名為警董之手其間辦事公正者固有其人而假公濟私浮冒侵吞者亦復不少且並不報銷流弊滋多甚有私將局兵裁撤一經調驗始僱替塞責民間出款維艱地方未受裨益若不嚴加整頓何以保治安而求進步卑職現擬遵照奉發餉規則所有各小分局兵餉均歸總局收發按月榜示以昭大信每兵每年照會議籌款東錢八百吊核洋八十餘元如有餘剩存儲備用倘有不敷下年籌補一切辦法期歸劃一各局區均歸總局巡官管轄各區長以警務畢業者酌量錄用藉資傳習如此辦理庶餉項不致虛糜巡警方能起色除設法改良隨時稟報外所有卑縣遵章整頓巡警餉項緣由理合詳請憲台查核

督憲楊 批據詳已悉仰警務處轉飭該縣將巡警事宜認真整頓力求進步務期盜戢民安以收實效此繳

文告錄要

督憲批示錄要○大順廣道文冲詳長垣縣黃河北埕應辦春工現已委員前往會同修辦由 批據詳已悉繳○

礦政調查局詳羅朝興避不到案應否准張禮謙勸辦由 批據詳已悉薊州東鄉煤礦既經羅朝興等稟控自未便據張禮謙等一面之詞遽准接辦仍俟羅朝興到案詳確質明再行辦理候咨 農工商部轉飭大興宛平兩縣將該商羅朝興查傳到津以憑訊結繳

藩台牌示○准補宛平縣齊家司巡檢黃仕祥捐升縣丞遺缺以遇缺先用巡檢王衍慶輪補

直隸警務處批示○懷來縣巡官孫蘭懇請辭差一案 批稟悉該巡官所請辭差一節業由該縣轉詳批飭照准在案仰卽知照此批○滿城縣區長冉浴池保舉巡警一案 批稟悉查該縣巡官業由本處檄調李松臣前往接充矣所稟應毋庸議此批○北洋法政畢業揀選知縣劉金章懇請派差一案 批稟悉仰候遇有相當位置再行酌用可也此批○肅甯縣一區巡董楊紹武爲痛陳警員劣跡一案 批據稟已悉仰候行縣查明核辦此批

天津勸學所致官民立各小學公啓○敬啓者現擬於閏二月十四日下午一點鐘會集圍牆以內及圍牆以外地址較近之官民立各小學堂高等第二學年級學生(須實係高等二年不計學期)在河北大街甘露寺宣講所會考其試題係(國文一藝)(歷史或地理問答一條)臨時酌定務乞貴堂將應行與考實與學年程度相合之學生若干於初九日以前開列姓名函致敝所預爲造冊備卷(但用草書開具姓名年歲不必書寫三代)並請將各學生現在歷史地理兩科程度隨函示及以便提問屆期仍祈管理員帶領學生早到爲盼

天津勸學所致河北各私塾公啓○敬啟者去歲在大寺學堂開辦傳習所諸君熱心研究教育頗賴補助至爲欣佩茲擬閏二月十四日上午十點鐘假河北大街甘露寺宣講所內研究本年辦法以期猛進直追免致虛耗時日屆期務祈台駕早臨如有卓見亦請提議至同道諸君如有未見通知者請執事偏勞代爲轉約爲幸

天津縣議事會議覆公告○孀婦姜唐氏說帖爲縷細詳明懇請持平公論以判曲直事 議覆說帖閱悉本會對於此案僅奉臬憲諭令觀審將來如有諮詢自應按照本會章程第三十六條秉公申述意見此外並無裁判曲直擬議罪名之權說帖所陳各節是否屬實應自赴臬署稟訴此覆○李玉麒卽李少舫說帖 爲懇祈代述胞妹姜李氏身死不明事 議覆說帖閱悉已於姜唐氏說帖內議覆矣此覆

附錄天津官事○督憲照會翰林院周太史維藩爲陸軍二四兩鎮總稽查官又札委候補道何觀察宗遜隨辦淮軍營務處候選道陳觀察紹祖辦理督署文案○口北道成觀察和前日由任來津赴院稟見

電報錄要

倫敦電○英京太晤士報云德國各船廠添造艦艇晝夜不息因政府將補助費較原定之數加增百分之二十五

又電○美國無線電報總公司擬在中國與西比利亞添設公司現有工程師二人由舊金山啟程東渡

又電○俄政府現已議定擬由波羅的海開掘內河一道直達黑海以便聯絡波黑兩海航業

又電○俄國烏蘭雅報據某處電報云現在波斯亂事日亟俄政府擬調軍前往勦辦以保護旅波俄人利權現有兵艦六艘載大砲三十尊在裏海停泊候政府之令開往阿斯拉巴德地方

華盛頓電○美國南部米商因美政府改訂關稅將由非律濱運米入美之稅豁免特在紐歐爾林地方聚會商議反對之策該商等反對新總統戴氏甚烈聞美國商界有贊成新稅律者然亦提出數條反對云

新政紀聞

政治

遼陽擬定投票所○奉天遼陽選舉投票所已經辦理選舉事務所擬定共九處第一在城內教練所第二在沙河中路分局第三在浪子山南路分局第四在隆昌州南路第一區第五在大窩東路第三區第六在呂方寺東路模範學堂第七在小煙台北路分局第八在劉二堡西路分局第九在唐馬塞西路第八區日內即呈報初選監督云

研究投票檢票事宜○江甯諮議局籌辦處以閏二月十一日爲各府廳州縣初選舉期屆時投票檢票各事俱屬創舉恐各府廳州縣等未必盡能合法議令司選各員自初一日開會研究十日每州縣仍派員一人前往會同該地官紳辦理一切上元江甯本在省城毋庸派人通州最號開通亦無須派人揚州之江甘兩縣同在一城只須派一人前往計合各處須派三十二員出發其川資旅費一項則呈請江督飭由財政處照前次派員分赴各屬調查所用數目酌量擬給

學務

客籍學堂開追悼會○北洋客籍學堂劉生志良籍隸中州爲延年軍門之哲嗣勤學勵品在堂三年法文中文考試均列前茅歷充班長學長竭力維持公益去歲十二月年考因用心太過考畢回汴一病不起今春訃書到津同學悲悼爰請於監督孫主政在本堂開會追悼主政亦爲文以祭茲將祭文附錄如下 惟宣統元年歲在己酉二月二十九日北洋客籍學堂監督孫雄率同全堂學生王曾述朱械身等致祭劉生志良之靈曰嗚呼劉生吾黨之賢我慙尼父爾實顏淵進德修業不貳不遷年逾二十學冠三千孝友爲心忠信爲寶志在聖賢不求溫飽三史六經鑽研探討晨夕孜孜襟期浩浩夏弦春誦於今三年莘莘學子莫之或先琢磨玉粹鍛鍊金堅相觀而善狂簡斐然天道茫茫初無公理盜跖壽終伯夷餓死不足悲生不足喜漆園夢蝶槐安鬩蟻達人之論齊視彭殤我非不達惜此賢良人天路隔師弟情長斯文將喪涕流浪浪同志爲朋同門爲友昔日相知言歡握手今日生離銜哀擊缶魂兮歸來歆此清酒嗚呼哀哉尙饗 附開追悼會略說 此會由本堂諸生陳明監督在堂內陰雨體操場舉行僅供設鮮花數盆乾鮮果品數事亦不請堂外人蒞會 一切花果用款爲數無多由監督自出不支用堂內經費諸生亦不必集資 是日係星期六午後放假半天 二鐘後鳴鐘開會由監督宣布緣起 監督教員同行鞠躬禮以致敬悼 學生同行鞠躬禮 學長讀祭文 教員演說 學生演說不拘是否學長班長凡願宣明哀悼之意者均可登壇演說惟須於開會前排定次序呈明於監督以免凌亂(至多勿過八人)演說既畢鳴鐘散會

選定游學歐美學生○山東選送歐美留學生會於去歲考試現聞選定赴英者四人係榮城李方城李方踪卽墨侯延賓武城許宗漢赴美者三人係卽墨毛陞三壽光沈文郁日照許嘉世赴德者二人長山劉文顯青州駐防敬源共九人餘一名係已赴德游學之鄒秉綬改爲官費以足十人定額至啓行日期須俟閏二月初九日到上海與各省赴歐美留學生會齊同往

請獎熱心教育典史○鄂藩據長陽縣稟稱該縣典史彭華棟家室殷富熱心教育去歲獨捐巨款在縣儒學創辦自治宣講所設立幼穉園並於縣屬鹽市口高塘兩鎮開設半日學堂二所普及教育成效昭著似此熱心誠

佐職中不可多得之員業已具詳督憲酌予獎勵以示優異等情當經陳筱帥札飭提學司核議詳覆以憑核奪

軍政

南洋徵兵退伍辦法○駐江甯三十三標及駐鎮江三十五標各有退伍之兵現經南洋新軍第九鎮徐固卿統制與督練公所商定於二月二十二日爲舉行退伍日期並擬就退伍禮式飭令該兩標遵照屆時由統制率領到標點名發給憑照列隊恭送所有退伍目兵即派員帶領各回原籍特稟詳江督茲奉批云據詳續備軍制一時尙難規定而退伍一層不容再緩確係實在情形自應准如所擬辦理本屆第一期退伍人數共只五百七十餘名人數無多所請不設駐弁暫由各地方官隨時稽查約束並管理發餉及徵調各事亦准照行餘均如議辦理仰即分飭遵照仍將退伍情形隨時具報

砲兵添委督隊官○蘇省二十二混成協陸軍遵練砲兵兩隊業已成立照章須設督隊官一員現經陳伯帥遴委新軍卒業學員王楚安充當以專責成當於十七日稟知到差矣

財政

閩藩限繳各州縣釐銀辦法○閩省各州縣應行解繳地丁糧銀及各閩口釐卡常稅實款例應按解藩庫以備按月給發官兵廉餉及籌撥赴都匯兌京餉與賠款項下之用自舉行新政後遞年司庫空虛入款輒不敷出尙會臣方伯以籌辦諸事需款諸形棘手飭財政局考查據覆係由各府州縣及釐局遞年應徵賦稅短解前來者甚多甚至各廳縣於卸事回省稟到時任內未行繳清各款輒任意拖延且創出新例將短款陸續兌交財政局代收希圖輾轉時日得以寬緩現經尙方伯查悉立札各州縣釐局專員將應解正雜各款限十日內掃數繳清交由本司當堂核收儲庫以便隨時由財政局提調發交支應處委員領去分發逐項經費不准各州縣將款仍舊繳局轉致辦公諸多曲折云

飭議蠲緩錢糧辦法○贛撫馮中丞日前以

恩詔蠲緩錢糧並清釐積弊已奉

諭旨嚴飭整頓倘各屬有

將贍黃延擱不貼卽行撤參其蠲緩及帶徵分數應如何於串票註明及串板年年刷刻清楚以期比戶咸知藉清弊混至已輸在官之款准其留抵次年正賦各節業已札行藩司妥議辦法通飭遵照矣

公會並不私之一家人故其保存尤爲久遠大可仿照辦理

京師內外城各廳區集會結社事項統計表第四十六

京師內外城各廳區開設報館統計表第四十七

集會結社種類甚多除商會教育會等均係奏明設立另歸學部農工商部另列表外此外如有研究學術整齊商務等項設立會社均入此表分別開列其關係政治事件自應遵照上年奏定專律隨時稽察至於各項商業公所取便同行會議體雖不同而義實相近並附表後各省會館則無庸列入報律施行祇准本國人開設報館撰述發行均有責成京師館尙無多是否按律辦理以及繳納保押金等須於表內聲明列注

京師內外城區域方里統計表第四十八

京師山川湖淀統計表第四十九

直省疆域經緯方里統計表第五十

直省省城相距京師水陸道里統計表第五十一

直省管轄府廳州縣數目統計表第五十二

各邊將軍大臣管轄沿邊卡倫鄂博道里統計表第五十三

以上六表統計京師直省區域道里之數夏書九州之貢必達於河流周官職方之圖必知其地域京師形勝控扼四方內外城已由總廳畫定區域方里自易核算直省諸表皆按各省分表彙填各邊將軍大臣所管卡倫鄂博尤爲交涉緊要之地尺寸俱關大計至東南沿海島嶼及海權所及經緯度數亦應另立專表

京師直省太陽出入時刻統計表第五十四

京師直省節氣交換時刻統計表第五十五

京師直省雨雪陰晴日數統計表第五十六

京師直省雨雪平均量數統計表第五十七

以上四表皆關授時要政古來所傳夏小正月令諸書與今東西各國統計氣候分表雖用歷法正朔不同而敬

立治吐血○有因瘴氣瘧疾而患吐血之病人為韋廉士大醫生紅色補丸所醫治瘴氣瘧疾為使身軀困憊弱之重症也若不急治則一身之痛苦倍加百病之危險叢集其害有不可勝言者矣即如香港德輔道第七十四號門牌怡記五金雜貨行收帳人卓耀楨翁初患瘴氣瘧疾繼轉為痢則胃不消化心痛咯血年深月久困苦異常直至試服韋廉士大醫生紅色補丸始獲全愈茲將其保證書照錄於下云○余約在四年前居於新嘉坡曾患瘴氣瘧疾遂致氣血大虧身軀瘦弱面容憔悴漸至吐血體弱支常覺困疲不思飲食雖食少許似覺飽悶不

香港卓君耀楨玉照



氣諸虛百損 少年貪老 肝經各病 胃不消化 積滯頭痛 風濕骨痛 腎骨酸痛 左癱右瘓 腳氣衝心 筋絡刺痛 胸膈飽悶 血氣衰弱 瘡疥斑疹 皮膚諸症 又治婦女氣血凝滯經水不調男子操勞過度酒色傷身均皆奏效如神瘦弱不長之小孩若服是丸立能強壯有力矣中國各處藥局商店均有代售或直向上海九江路B字第八號韋廉士大醫生藥局中國總發行處購買亦可 價銀每六樽大洋八元 每一樽大洋一元五角遠近郵費一律不取 上海二馬路B字第八號韋廉士大醫生藥局啓

平和戒煙醫局告白

再啟者本醫局志願宏大大欲得此中國一洗沉痾延來四川老醫士鄧益堂先生醫學精通且於戒煙方劑尤著神效但須逢人按脈診視與尋常戒烟丸散迥不相同今老醫士欲將生平學業奇術秘方播傳於世惟必須得顯悟之士素行清潔宅心正大方能傳授茲擬暫學生十人每月自備膳費六元在同住宿朝夕討論如不能住局早來晚去亦聽便一俟學成之後即便推廣各省設立分局以廣流傳而普拯濟如有志救時情願來局受業者速寬妥保到局報名以便老醫士面試數日分別去取所有課程及畢業日期另續定詳細章程請到局閱看可也再

平和戒煙醫局謹再白

順天府尹凌大人捐庫平銀二百兩
晉省隱名氏集捐公砵平銀一千零八十八兩

山東撫台袁捐洋四百元
候補京堂張大人煜南捐洋二千元

山東運台崔大人鍾善捐京足銀五百兩
福建臬台鹿大人學良捐京松銀五百兩

上海道台蔡乃焯捐京足銀二百兩
陝西藩庫廳沈錫榮捐京足銀一百兩

分省知縣鄭寶麟捐京足銀四十三兩
甘肅舉人趙椿年捐洋十元

直隸道台葉增濤捐洋六十元
張仲仁捐洋二十元

丁春之捐洋十四元
鍾薌泉捐洋十元

汪鶴齡捐洋八元
張信初捐洋八元

北京王府井大街平和戒煙醫局鳴謝清單

保定法政學堂告白

本堂蒙 藩憲咨送津保第二次考取三等入堂肄業候補各員務於閏二月十五日前從速來堂附入戊班講習科肄業並查核人數多少攤分津貼該班上課已久如逾限不至即不能再行收入務須依限來堂幸勿自誤特此奉告

津保第二次考取三等候補人員咨送入堂各員姓名單

候補知縣趙熙文 候補府經歷王禮恭 試用典史李治慶 試用縣丞朱燮陽 試用典史張則朱 試用典史蔣用霖 試用縣丞王慶銜 候補從九徐壽同 補用巡檢吳桂森 試用典史趙宗鼎 試用從九陳國弼

候補知縣李汝霖 試用典史茹煥 試用典史陳廷揆 補用從九王蓋臣 試用典史崔鴻鈞 試用巡檢高嘉銘 試用縣丞謝仰青 試用從九陸再興 試用巡檢吳峻 試用縣丞謝仰瓊 候補典史陳文權 議叙未入流陳國峻 候補典史程恩墀 試用縣丞朱正樞 試用從九燕起韓 試用巡檢趙鴻勳 候補典史任兆傑 試用巡檢曹文治 試用典史李孔煌 補用州吏目陳國荃 候補巡檢李虎觀 試用同知張錫錦

選用典史曹之楨 試用府經歷高士燭 新選南度縣典史蘇大祀 試用典史丁駿頤 試用縣丞趙惟蔭

試用府經歷趙惟倫

啓新洋灰有限公司廣告



啓者本公司係承受唐山洋灰公司創設新廠歸併舊有之老廠擴充辦理改名啓新洋灰有限公司稟奉北洋升督憲袁咨准農工商部註冊立案上年購到外洋最新式機器全副去臘業已開機所出之灰據西洋化學師疊次考驗拉力結力俱高出外洋之貨且機器加大出灰足數主顧購用尚有製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界先農公司對面並於北京烟台上海漢口等埠均設分處銷藉廣招徠如蒙訂購交貨無不從速至價廉貨高久爲中外紳商所信用不待贅述所有本公司各種磚瓦等件尺寸重量式樣及大概用法另刊華洋廣告光顧諸君請向本公司索閱價值一切亦可接洽也
 得待風一千三百九號

啓新洋灰有限公司添招磚窰股本廣告

啓者本公司第二屆會議提及上年議決在唐山東北二十餘里之馬家溝添設機器磚窰現在即須開辦約計成本行本共洋三十萬元仍以五十元爲一股先儘原股東附入是日在會股東已各認定股數頗形踴躍如再有股東願入此股者請自二月十六日起兩個月內先將認定之股數函示註冊該股款於註冊後兩個月內全數交齊即以交款之日起息如欲詢詳細辦法請惠臨天津海大道本公司面談可也此布

啓新洋灰有限公司分派第二期年息紅利廣告

敬啓者本公司應派上年年息紅利定於閏二月初一日起憑息單發給並分送帳略務祈在股諸君屆期到天津海大道本公司總理處領取如南省股東亦可將息單交上海天津分銀號承接寄津代取不計匯費惟津滬往返函寄約需一月屆時望持該號收條領取息單可也

北洋灤州官礦有限公司付息廣告

啟者查本公司定章每屆二月會議三月付息現時井工正在趨辦股東會尚未成立茲先循章將各股東自交股日起截至光緒三十四年底止應得正股紅股官利一律照付本埠以三月初一日為始外埠以三月十六日為始屆時請各股東攜帶全賬息單此係第一期取息萬勿掣裁至原交股處支取息銀或此埠股東願改赴彼埠取息者可預先半個月到原埠掛號聲明俾可函告該處屆時照付倘有未經換股票者請迅持原給執照往換如無息單即無憑付息特此奉聞

付利處

天津 三岔河口玉皇閣本公司總理處北馬路天津銀號
 北京 保定 上海 漢口 唐山 張家口天津分銀號

同啟

常州儒醫

秦小和男婦大小方脈

門診大洋一元 出診兩元寓吉陸棧內

得利文洋

大小及包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參鐵等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑲珠寶鑽石戒指留耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額
 磁銅料器法藍 奇巧美術玩器 日用雜貨俱全 學界文房用品 旋行携帶等件
 精工裝身物料 定織各色蓆氈 如蒙官商光顧 價值格外從廉 貨多不能備載
 本行隨便入覽 電話一千三百七十四號 天津法租界 武齋洋行謹啟

瑞林祥元記

本號開設（北京前門外鮮魚口）（天津估衣街中間路北）（山東濟南府院西路北）等處
 目置綢緞洋貨顧繡粧蟒花素貢絨絨緞各色抖蓬哈叻厚呢以及京廣什貨織絨綫貨各色
 俱全貨高價廉劃一不二中外 紳商賜顧移玉是幸

瑞林祥元記具

本局印售各種書籍圖畫目錄

澄衷學堂字課圖說
 天文歌略
 地球歌略
 小學韻語
 蒙養學堂百課
 最新初等小學國文教科書
 初等中國歷史教科書
 心算初學
 最新初等小學算教科書
 初等小學算教科書教授法
 忠經
 英文舉隅
 東文典問答
 地文學問答
 皇朝政治學問答增校初二編
 節本泰西新史攬要
 筆算教科書
 數學上編
 普通新智識課本
 中等植物教科書
 中學礦物教科書
 高等小學博物教科書
 生理衛生學
 化學教科書
 中學地理中國誌

八本洋二元
 一本洋二分
 一本洋一角五分
 二本洋二角五分
 一本洋一角五分
 一本洋四分
 二本洋三角二分
 二本洋一元
 二本洋紙洋五角
 二冊洋紙洋四角
 合售洋三角六分
 一本洋紙洋五分
 一本洋二角五分
 二本洋二角五分
 一本洋二角五分
 二本洋五角
 二本洋紙洋四角五分
 二本洋紙洋五角
 二本洋紙洋五角
 二本洋一元二角
 二本洋四角
 二本洋紙洋七角五分
 二本洋紙洋七角
 一本洋二角五分
 一本洋紙洋四角五分
 一本洋紙洋三角五分
 一本洋紙洋二角五分
 四本洋六角

植物學教科書
 皇朝政典舉要
 萬國憲法比較一本
 法學通論
 萬國通商史
 新爾雅
 康熙幾暇格物編
 周禮政要
 明夷待訪錄
 普通教科書目提要
 科學書目提要初編
 心算教授法
 萬國公法提要
 甲辰學報彙編一百種
 乙巳學報彙編
 丙午學報彙編
 全年學報彙編
 農學新書三十五種
 日本栽桑捷法
 美國養雞法
 農務述聞
 畿輔輿地全圖
 御製耕織圖
 朝鮮輿地全圖
 地球開闢次序圖
 平頂地球圖
 東三省鐵路全圖

一本洋紙洋二角五分
 四本洋五角
 一本洋紙洋三角五分
 一本洋七角
 一本洋二角
 二本洋三角五分
 二本洋四角
 二本洋六角
 一本洋二角
 一本洋五角
 一本洋一角五分
 一本洋一角五分
 一本洋一角五分
 一本洋一角五分
 四本洋一元
 五十本洋二元七角
 四十本洋四元二角
 廿四本洋四元八角
 廿二本洋五元六角
 一本洋一角二分
 一本洋四角
 一本洋三角六分
 六扇屏洋二元
 二册洋五角
 一張洋一角
 一册洋一元
 三十二張洋一元
 一張洋八角

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年起承印各項價目格外減讓以副官商雅意如蒙賜顧請至本局賬房面議可也

本局售報價目

本埠售價官報按日一册每月三十册收價銀六角零購者每册洋銀二分
 法政學報十日一册每月三册收價洋六角零購者每册二角
 兩種合購每月收洋一圓二角
 各州縣報價交銀者除額定銷數照舊收銀九錢外額外分購者統照本埠售例

綠色條胰出現廣告

本場為提倡高等成色條胰起見不計本利力求料實耐用洗濯異常滑快經久絲毫不抽委與外洋白條胰相頡頏而價值格外低廉如蒙購用即知此胰貨高價廉便宜合算 賜顧者請至北馬路售品總所或本場售品處零整均可面議一為試用定當爭購此佈

天津河北實習工場謹白

大清銀行廣告

大清銀行現定三月初六日在京師虎坊橋湖廣會館照章開股東會議屆期務祈 光臨並先於閏二月十五日起分派老股新股官餘利請附股諸君持摺來行取息特此白